



PREDMET: Pojašnjenje tenderske dokumentacije

U sjedištu Ugovornog organa dana 31.1.2025. godine, pod brojem protokola: JN-OGP-1116-13/2024, zaprimljen je Zahtjev za pojašnjenje tenderske dokumentacije, broj: JN-OGP-1116-6/2024 u postupku javne nabavke „Nabavka i ugradnja novog telekomunikacionog sistema“, dostavljen od strane privrednog subjekta Nokia Solutions and Networks d.o.o. Sarajevo, u kome se traže sljedeća pojašnjenja:

1. Pitanje

Ovim putem obraćamo se s molbom za pojašnjenje i produljenje roka za dostavu ponuda u vezi s određenim neusklađenostima u dokumentaciji za postupak javne nabave pod nazivom "Nabavka i ugradnja novog telekomunikacionog sistema", broj nabave JN-OGP-1116/2024.

Naime, u članku 15. "Tehnička i profesionalna sposobnost", u točki 15.1, stavak a), minimalna ugovorena vrijednost izričito je navedena kao iznos bez PDV-a, dok u nastavku, u članku 15.2, stavak a) i stavak b), PDV nije spomenut. Ova razlika može dovesti do različitog tumačenja uvjeta natječaja, što bi moglo utjecati na jasnoću kriterija i postupak pripreme ponuda.

Kako bi se osiguralo potpuno razumijevanje finansijskih zahtjeva natječaja, molimo ugovorno tijelo da dostavi službeno pojašnjenje u kojem će biti precizirano odnose li se navedeni pragovi ugovorene vrijednosti na iznose s ili bez PDV-a.

Dodatno, budući da ovakvo pojašnjenje može utjecati na pripremu ponuda, smatramo da bi produljenje roka za dostavu ponuda za najmanje sedam (7) dana, u skladu sa Zakonom o javnim nabavkama Bosne i Hercegovine, omogućilo svim zainteresiranim ponuditeljima adekvatno vrijeme za prilagodbu i usklađivanje dokumentacije.

Zahvaljujemo na razumijevanju i ljubazno molimo Vaš odgovor u najkraćem mogućem roku kako bismo osigurali pravovremenu i ispravnu pripremu ponude tj. Potvrde o uredno izvršenim ugovorima koje je izdala druga ugovorna strana.

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

1. Odgovor na prvo pitanje

Ugovorni organ je uslove i dokaze za tehničku i profesionalnu sposobnost u pozivu za dostavljanje zahtjeva za učešće (tenderskoj dokumentaciji broj JN-OPG-1116-6/2024 od 08.01.2025. godine), u potpunosti izradio u skladu sa odredbama Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) (u daljem tekstu Zakon) i u skladu sa Uputstvom za pripremu modela tenderske dokumentacije i ponuda ("Službeni glasnik BiH", br. 90/14 i 20/15) (u daljem tekstu Uputstvo).

U skladu sa članom 15. stav (1) Zakona, Ugovorni organ zasniva računanje procijenjene vrijednosti ugovora o javnoj nabavci na ukupnom iznosu koji će platiti, bez poreza na dodatu vrijednost (PDV).

U skladu sa članom 7. Uputstva (Način određivanja minimalnih zahtjeva sposobnosti kandidata ili ponuđača), stav (4), tačka b), podtačka 2), ako ugovorni organ od kandidata kao dokaz tehničke i profesionalne sposobnosti traži popis ugovora, u slučaju da se traži dokaz o izvršenju više ugovora, smatra se da je uslov srazmjeran predmetu nabavke, ako zbirni iznos ugovora nije viši od procijenjene vrijednosti nabavke.

U članu 48. stav (3), tačka c) Zakona, navedeno je da Potvrda o urednom izvršenim ugovorima mora sadržavati „vrijednost ugovora“, dakle bez naznake PDV-a, jer je isto nepotrebno s obzirom na definiciju procijenjene vrijednosti nabavke.

Budući da je procijenjena vrijednost nabavke izražena bez PDV-a, vrijednosti ranijih ugovora koji služe kao dokaz tehničke i profesionalne sposobnosti, moraju biti u istom formatu. Uključivanje PDV-a u vrijednosti ranijih ugovora narušilo bi srazmjernost zahtjeva, dovelo do potencijalno nezakonite diskvalifikacije kandidata, te stvorilo pravnu nesigurnost. Zahtjev za iznosima bez PDV-a omogućuje objektivnu uporedivost ponuda i isključuje uticaj različitih poreznih stopa ili praksi pojedinih privrednih subjekata.

S obzirom na zakonsku definiciju procijenjene vrijednosti nabavke (bez PDV-a), nema nikakve nejasnoće ili nedoumice da je uslov za tehničku i profesionalnu sposobnost, odnosno iznos naveden u tački 15.1 a) od 3.000.000,00 KM iznos bez PDV-a, kao što je i dodatno naznačeno.

Ispunjavanje ovako postavljenog uslova se dokazuje spiskom izvršenih ugovora i potvrđama o izvršenim ugovorima, kako je definisano u tč. 15.2 a) i b), gdje je navedeni iznos od 3.000.000,00 KM, bez ikakve nejasnoće ili nedoumice, takođe iznos bez PDV-a. Svi relevantni dokumenti (zahtjev za učešće, Zakon, Uputstvo) dosljedni su u isključivanju PDV-a. Iznos od 3.000.000,00 KM u tački 15.1 a) i 15.2 a) i b) tenderske dokumentacije odnosi se na iznos bez PDV-a, u skladu sa prethodno navedenim pravnim okvirom.

Bilo kakvo drugo tumačenje postavljenih uslova i traženih dokaza bi bilo kontradiktorno i nezakonito, jer bi narušilo logičku povezanost između procijenjene vrijednosti i zahtjeva za dokaze tehničke i profesionalne sposobnosti, te bi se time zaobišla načela proporcionalnosti i transparentnosti iz Zakona.

U skladu s prethodno navedenim, Ugovorni organ potvrđuje da su svi uslovi u pozivu za dostavljanje zahtjeva za učešće (tenderskoj dokumentaciji) u potpunosti u skladu sa Zakonom i Uputstvom, te da se vrijednost ugovora u tačkama 15.1 i 15.2 odnosi isključivo na iznos bez PDV-a.

S ciljem poboljšanja konkurencije i osiguravanja pravičnih uslova za sve učesnike, a uzimajući u obzir činjenicu da su pored ovoga upita, zaprimljena i dva ranija upita za produženje roka za dostavu zahtjeva za učešće, odobrava se produženje predmetnog roka za dodatnih 7 (sedam) dana, te je novi rok za podnošenje zahtjeva za učešće (ponuda) 18.2.2025.

S poštovanjem,

Predsjednik Komisije za
JN-OGP-1116/2024

